

陪集

陪詩一卷

二卷

三卷



三

陪詩 卷之一

桐城方中通陪翁著

迎親集

壬辰冬老父以世外度嶺北還大父遣中通  
與伯兄迎至匡山

帝京歿別到如今萬里生還祇樹林每對白雲常  
屈指一看黃面卽傷心字傳大父書中淚夢斷慈

親嶺外音時老母三弟尚滯嶺南五老峰頭瞻日近蒼天默



默雨沈沈

五老峰

九雲屏作磴雙闕石為門

從九雲屏上過雙闕始至峯頂霜雪何

年老兵戈此日存泉雖拋井里山却抱兒孫脚下

南康郡鄱江一綫痕

鄱湖冬渴呼為鄱江

三疊泉

舊路從麻姑巖登三疊泉頂俯瞰不明老父改從玉川門入過綠水潭直至三疊泉下仰視懸河阻石凡三頓而下故名三疊雨雪風濤萬仞飛舞日光慘淡寒氣逼人

非堅忍者不能久立誠千古奇觀也

玉川門裏入萬仞響藤蘿當作冰山看其如雪窖

何飛流猶曲折絕壁尚風波指點遊人路先從綠

水過

凌雲舍老父為瞿稼軒年祖作傳趙秋屋攜

之東歸

浮雲蒼狗變來真銅柱高標亦染塵相國惟知臣力竭冥天不厭曆元新幸畱此日生還筆傳得千

秋歿難人絕壁上  
看霜雪凍東流  
囑付早回春

贈于雲龍

兵戈猶未絕耕鋤  
收拾乾坤入艸廬  
萬頃煙波三畝竹  
千峰羅列一牀書  
療饑時乞鄰人米  
閉戶還臨長者車  
盡日縱談忘主客  
同過籬畔剪園蔬

母大人攜三弟亦至相遇於青山舟中

蠻煙瘴雨走風雷  
下拜先驚海國來  
時聞粵中復亂  
母子放聲同一哭  
弟兄攜手看千回  
眼前白浪翻天地

意外青山聚草萊  
此去皖城三百里  
行囊應到故

鄉開

吾母攜弟由浙閩至兩粵始遇老父祖姑清芬閣爲作萬里尋夫文

湖口畱別王賓明

煙裏人家浪裏城  
數竿青竹慰平生  
圖書歷亂衣冠偉  
戶牖蕭條鬢髮清  
湖口不流當日水  
石鐘猶帶舊時聲  
風帆此去過彭澤  
夢到樓頭月正明

奉母過白鹿山莊旋歸遠心堂

烽煙阻絕路迢遙  
日斷飛鴻入九霄  
不意黃頭過

大庾得依白髮到中條

祖父中丞公時隱居白鹿

墓門松柏離

人淚

莊在先曾祖廷尉公姚太淑人墓側

故國川原落日凋回首天

涯千萬里一枝今幸息鷓鴣

冒雪過姑孰曹梁甫姑父畱宿次日復冒雪

### 至鳩茲

孤客青溪返江關歲暮遲碧天黃面日紅葉白頭  
時寤寐憑尊酒親朋付別離衝寒驅駑馬泥滑到  
鳩茲

### 割股圖

曹姑母有割股救姑之孝王父為繪圖以垂不朽

本是齊年友

曹年祖與王父皆丙辰通籍

交淡遠結姻閨中憐

孝婦堂上壽慈親

姑父起壽母堂

但寫一生志難傳此日

神畫圖應不朽聊感世間人

### 老父歸省白鹿度歲

鷄衲芒屨為省親十年重聚鹿湖濱新春不見山  
中曆舊臘應憐世外人覲面鄉關如異域到門野

老是遺民只看衰白啼猶笑三代同將俎豆陳

趙秋屋攜老父借廬語歸海虞錢牧齋先生

見而序之

匡廬山九壑老父獨徘徊身入雲霄上詩傳風雨  
來故人還念故灰燼不成灰天地無情極猶憐絕  
世才

癸巳春省親竹關

操撫李公迎老父入皖贈以袍帽老父斥  
之直奔天界時杖人翁主天界法席也三

省馬公又欲特薦屬父執劉阮仙趨行杖  
人翁云拉得去是你手段站得定是他脚  
跟藉以得免老父于天界圓  
具後閉關高座寺看竹軒

吁嗟乎天有無何令我父薙髮除髭鬚只此一腔  
忠臣孝子血倒作僧人不作儒東西南北無塊土  
不辭世外還家苦祇因老祖白髮在高堂豈是俗  
緣未斷牽門戶皖江撫軍舊聞名十輩登請皖江  
行我父策杖輕身徒步入衣冠不改但願捐此生  
撫軍大駭恟下拜須臾拂袖趨天界又遇中丞好

舉賢海闊天空何狹隘吁嗟乎捨地哭仰天呼劉  
公劉公鑒此愚幸賴杖人翁說如來法片言甘露  
灑醍醐回憶長安變燼火餘一綫轉徙避仇奸瘴  
癘邀天眷那知度嶺涉江湖芒屨幾被塵埃污不  
是佛恩如大海釜魚涸鮒終何辜可憐富貴豪華  
之才子一旦變作枯槁寂寞之禪士掩關高座看  
竹軒人子何心忍見此噫嘻傷哉哀復哀車輪萬  
轉憂中來肝腸迸裂心如灰但得正學祠前撥雲

霧何愁鐘山陵下聞風雷

喜遇薛儀甫同受西洋穆先生曆算

參差看七政不解古今疑共道天難問誰云日可  
追偶因同調至得與異人期我欲方平子山中造  
渾儀

黃俞邵就學竹關老父以通雅相託

扣關談一日魂夢便相親自掃凌雲氣來爲立雪  
人交原知學富書不似家貧

千頃堂藏  
書八萬卷

石室名山

附言  
卷一  
六  
託惟君愛隱淪

內兄陳心簡邀同姊婿李極臣東郊射獵  
彎弓躍馬出東門十里平原逐隊奔  
曉日初紅過野寺長林深綠到山村  
飛鷹眼自雲中落獵犬牙生草上痕  
大羽箭穿風路響爭攜禽鳥返黃昏

李士材先生以醫學質之老父

相看何必問滄桑幸有壺中日月長  
只恨情難投藥石其如病更入膏肓  
高入先得知人鑒逃世還

傳救世方天地可憐生草木不逢岐伯有誰嘗

秦淮雜咏

關山明月到樓時萬里寒風向客吹  
最是無情桃葉渡夜深還唱竹枝詞

五日燈船徹夜明十番一套一船行  
狂奴更擊漁陽鼓亂裏繁華莫看輕

六代興亡自昔同只今花發水流紅  
愁人忘却愁何事不入樓頭醉眼中



陸詩 卷一 七  
盡道秦淮俗已貧年年空見四時春纔知王謝皆  
遷客燕子還來作主人

周櫟園年伯出古今字畫百餘種索老父題  
跋老父一朝爲書完

櫟園先生家珍藏讀書樓連賴古堂已鐫印譜三  
千章復堆字畫高于梁古今聞人天一方羅列置  
之几案旁玉軸牙籤錦繡囊綾幘絹幅蘇裝潢一  
肩兩肩來盈筐屬爲題跋如琳瑯開軒卷幔迎新

篁老父濡筆乘朝陽須臾瀟灑揮千行風呼雷擊

電驅光天門鳳閣豈尋常排疊堆塚

三十六  
書法名

無相

妨先秦兩漢眞汪洋讀之何異吹笙簧櫟園先生  
爲悲傷吁嗟才人不可當胡爲末路遭滄桑

伯兄同姊壻馬巖冲省竹關巖冲賦梅花詩

二十首名曰寒空影伯兄爲序之

一艇書囊與膝琴江東無處說披襟南朝幸有當  
年寺西土纔知此日音舉世雪霜空帶影放花天

地是何心寒空影有收將天軒前我媿凌寒竹阿  
大文章可共吟

巢湖

昨過濡須口兵戈氣未消今看巢縣水不似浙江  
潮到眼全無地容身只一瓢有何堪繫念征戰亦  
蕭條

金斗馳馬一日還桐

一朝三百里匹馬促歸鞭明遠臺猶見飛霞亭忽

遷馳驅忘渴飲歷亂數山川辛苦知余慣勞勞亦  
偶然

王父攜至浮山拜先祖母吳太淑人墓

丹丘巖下墓三十有餘春黻佩遺詩集祖母有黻佩居集

清芬育我親祖母棄世老父尚幼亂離孫侍祖生

死佛依人祖母好佛今含淚焚香拜芟除草上塵

甲午春同三弟省親竹關

木末亭前路年年風雨過鐘聲敲淚落竹影奈愁

何有弟堪傳學無人可和歌老親多著述紙筆敢  
蹉跎

夜登雨花臺

兵戈不改舊繁華錯認當年一片霞  
畫舫歌來吳下曲高樓吹落笛中花  
九重塔影江千里六代松聲月萬家  
餘得閒人臺上步夜深聽遍後棲鴉

拜方正學先生祠

今古完名節乾坤屬幾人先生能報國門下亦捐

身

先世伯通府君諱法洪武己卯出正學先生門爲四川斷事死遜國之節

正氣橫霄

漢陰風泣鬼神可憐同室鬪尚且念君臣

贈遼陽蔣東英

宦罷長干早結鄰雨花飛落一番新曾爲穎上分

金士又作橋邊進履人北海有尊消歲月東山入

望自嶙峋多君意氣書難盡最感慇懃慰老親

余

卯受室白門東英將之任臨江訪余餽以五十金殊不解也及老母攜弟自粵北歸道過臨江東英爲買舟厚贈資斧老父閉關高座時又值東英解組喬寓白門執弟子禮甚恭朝夕供養不衰老父

亦不言其所以逮後辛酉余再入燕忽遇蔣公立  
述其尊人東英向為遼陽諸生客遊京師老父時  
官太史一旦招置門下解贈多金且云他日妻子  
相託余然後知東英之交老父預識之非偶然也  
公立諱獻今家  
濟南附記于此

### 呈父執張芑山先生

芑山先生自四書大全辯毀版後窮困特  
甚一日吳子班馳報竹關云張先生絕糧  
二日矣有時貴餽金求文斤  
之不受老父為餉米二十斛

絕糧已二日咫尺不相聞乞米未書帖送窮肯賣  
文何須餅恥罄猶幸鉢堪分有僕同枵腹追隨問

字勤

僕有半拙者習字學  
依先生鈔錄不去

芑山先生初輯字彙辯時過竹關取老父通

雅商權

後改名  
正字通

每見先生字從來無艸書

即脫稟亦不作艸  
書謂即此是敬也五車

皆篆籀

所藏六  
書甚富

七字度居諸

每日計  
編七字

筆可存塗乙

文多辯魯魚叩關鈔五雅商略到年餘

歸過縱陽蓮池埽先高祖明善先生墓

墓門重展拜迴繞一池蓮道是箕裘業情為父祖

田傳心惟泗水講學自桐川

先高祖築室設田以供四方學者顏曰桐

川會館講學其間後門人謚為明善先生奉旨建祠有司春秋致祭

連理亭前樹而

今理尚連

先高祖讓田宅與兄白居公插杞楓遂成連理因築亭其下

友人處得先叔孝節先生墨蹟

最愛平原帖當年教我曹磨甄臨水字

教予兄弟濡水習字

甄積雪試枯毫

先叔曾將積雪裁如大

幅就其側卧榻書之一點石還

墮千鈞戈亦勞忽逢遺筆墨灑淚向江濤

秋日又省竹關即辭遊楚

一拜一椎心難禁涕泗淫可憐歸佛後憔悴到如

今不問家園事惟知苦行深逢秋偏入楚索性賦

秋吟

銅官阻風

汀洲蘆荻隱孤城斷渚殘烟野草生茅店日高無

犬吠荒祠風到有江聲波濤自識漁人慣身世都

歸燕雀輕隔岬夕陽紅墜地扁舟西望不勝情

富池神鴉

神鴉何處有今向富池尋白晝都臨水黃昏不入  
林送迎非野鳥豢養似家禽肉食原堪鄙纔知茹

素心

鴉有茹素者  
拋肉不接

武昌

忽作武昌遊相逢白露秋但餘江漢水無語向東  
流兩岼龜蛇峙中洲鸚鵡浮不堪回首思頓起十  
年愁

過王父中丞公官署故址有感

張獻忠自蜀入楚王父撫楚時力主剿議  
會上八策執政不納旋于德黃間有八戰  
入捷之功及賊踞房縣武陵督師檄三撫  
會剿而蜀撫偏撫不至獨楚撫楊羅二將  
轉戰大勝乘勝入香油坪不意伏起陣亡  
時王父又奉督師調守襄陽鞭長莫及嗚  
呼王父被逮曾幾何時而楚之為楚何如  
耶老父庚辰通籍控疏請代卒感聖恩復  
召陛見擢為總理河北屯院王父單騎就  
道未幾而賊陷京師矣小子今過楚署故  
址觸目摧心用賦  
短章聊當一哭

回憶猖狂寇滿山養癰反道剿為艱矢天滅賊非  
無策畫地呈謀即犯顏房縣陣亡身報國武陵計

巧自投繯

本音錄以刪為主韻主銑韻諫韻者皆誤

聖恩早識人鉤黨

獨賞龍鱗孝子攀

父執錢飲光語中通兄弟曰曾遇故中官為僧者云一日先帝

御經筵回宮天顏不懌忽歎曰求忠臣必于孝子之門如是者再某跪請其故上曰今早經筵有展書官陳之遴其父祖苞巡撫河南失機問大辟繫獄之遴衣錦薰香展書朕前略無憂戚之色不孝如此豈能忠乎某進曰展書官舊例皆然跪近上前恐有不潔之氣上觸故衣必鮮華展袖時要令芳徹御座耳上曰既知此例便當辭官不然辭差可也朕聞有新進士方以智其父孔炤亦以巡撫湖廣與祖苞同罪下獄聞以智懷血疏終日于朝門外候百官過叩頭求為上達言訖又歎曰求忠臣必于孝子之門未幾時釋孔炤而辟祖苞矣中通拜而記之

只今父老歎知兵八捷猶存殺賊名國破更非秦

郡邑家凶忍說漢公卿地經異代干戈後草向前

朝瓦礫生何事含悲頻弔古悔教身到鄂王城

同胡石屋穆伯章飲周思皇寓時有吳人度

曲

今宵濁酒消三斗昨夜燈花放一枝故友黃州初

識面

胡

新知白下已相期

穆

吳人度曲操吳語楚

客悲秋讀楚詞更有周郎歸萬里嶺南回首是何

時

麻城謁槁木大師 即父執梅惠連

眼中前輩總瞿曇 麤糲饕餮只自甘 盡散家財分

一族却將華屋改為庵 青盲有疾人如願 大師時已瞽目

白水盟心世不堪 憐我能無統袴習 輕身作客自

江南

乙未首春再至漢口

又隨春到此可勝去年遊 漢口屯千艘 晴川只一

樓地成犄角 勢郡合大江流 漢陽武昌對江與漢口相距各數里 何

日買歸棹東風尚未休

黃鶴樓

不見仙人此地行 白雲終古碧天橫 漢陽門上樓

常在夏口城邊事已更 豈有青蓮無隻字 自知黃

鶴是虛名歷朝興廢都流去 檻外長江亦薄情

陳子昭至自金陵出澄泥研相示

相逢盡是江南客 此日來遊湖北同 對酒尚歌吳



苑月披襟直喚楚王風武昌魚味烹難改庾亮樓  
高興可窮若得澄泥安樂瓦行笥作研便書空

蕪湖競渡

百櫂齊聲一色衣中流金鼓漸依稀波橫十里江  
南北龍首初回頃刻飛

寶馬香車共一朝采蓮舟上更吹簫珠簾縫裏垂  
紅錦辜負遊人未奪標

楚回直趨竹關省侍

楚國逢遺逸人人感至今云沾王父澤聊慰老親  
心竹下關猶閉松間客共吟

張瑤星先生居松風閣與看竹軒比鄰

一聲鐘度日風雨莫相侵

擬古

欲作遠遊人舉步將何之東海有神仙神仙不可  
期南國有山川山川不我思四顧風聲多颼颼日  
夜吹一腔天下樂變作傷與悲巧者笑其拙達者  
憐其癡客問爲何故自言亦不知入門苦憂愁出

門苦別離別離猶會面憂愁及何時

讀書千萬卷何如不識字識字不識人讀書須讀  
意史傳日以虛文章日以僞班馬李杜名傖父亦  
能至曹操賦短歌千年猶鼓吹揚雄美新篇才人  
原不愧所以文字禪梏喝無迴避欲讀古人書恐  
負今人累腸胃一瀦洗斯願乃可遂奈何扁鵲方  
良藥不肯施

芬芬枝上花皎皎天邊月花開忽已落月明忽已  
沒百年只須臾何用白鬢髮  
鴻鵠志雲霄終身不奮飛騏驥可千里槽櫪願已  
違蕭蕭故友疎寂寂新知稀面目自憔悴日掩雙  
荆扉不恨涼風薄但恨爲布衣

襤褸田家兒默默無一語出作復入息此身已得  
所不用歷燕齊不用遊秦楚不用宏詞名不用賢  
良舉盡埽世豪華豈復誇積貯嚴冬知天寒酷暑  
知天暑不與富貴交但與貧賤處素心無轉移皓

首一相許我欲學耕鋤撫膺良愧汝

長干曲

雜曲歌辭

長干河上曲長干樓上人相逢聽不得畱作別家  
春

不是長干人偏愛長干曲楊柳何深情折枝聊免  
俗

莫愁曲

西曲

生女莫教美美女莫教歌此生無歡時愁殺復如

何

自知愁不已聲聲喚莫愁湖水照遊人遊人慎勿  
遊

先祖訃至老父破關奔喪

三年版屋日無暉當作西山自采薇不意姓名存  
訃紙却令衰絰上緇衣五倫佛法情何異三世君  
恩願已違風雨一天江慘淡烟波舟載淚痕歸

先祖歸葬合明山老父爨廬墓側顏日不擇

地

合明山下面湖天世外蕭蕭結一椽鐘鼓有聲隨  
兔擾衣冠可託是牛眠招魂賦記親朋字墮淚碑  
因父老傳化鶴歸來他日事定知華表自千年

不擇地除夕同戴無忝伯兄三弟作

荒蕪餘此地跬步可容身茅屋遠離市空山無有

鄰園葵千里客

無忝謁孔稜孟稜初返

佛火一家人商陸頻

添後雞聲待曉春

陵當作林

丙申老父重編先祖貞述先生周易時論因

授中通易象

仲翔五世易此日竟何如

先高祖明善先生著易蠡先曾祖文孝先生著

易意家學羞慚我親心屬望子夜來占象緯曉起玩

圖書安樂窩中趣蓬窗覺有餘

隨侍過白鹿劉超宗請示畫法書法

百里合山道春風花雨天人纔過鹿起畫復講龍

眠更寫二王字都歸五地禪

五地菩薩無所不能

老親多絕

技應到故鄉傳

父執孫魯山與老父對奕

龍山今日聚草木盡離塵姓是朱陳舊

孫司馬即伯兄之岳

交從支許新敲枰還說法對局總安人

老父奕為宰官中第

一茶罷臨溪水斜陽理釣緝

母大人階下芍藥盛開命子姪女媳拈韻恭

賦

亂後鄉關托暫安花時膝下慶團圓素妝自灑胭

脂雨紅纈新乘翡翠盤

素妝紅纈皆芍藥名

錦繡豈因人鬪

富斑斕能代我承歡家庭不比揚州會即遇坡公

亦耐看

李岷瞻曾庭聞先後過桐城

獻賦長安壯志雄登山臨水復過桐停車每識才

人跡脫粟惟慚處士風十斗濁醪還擊缶一篇奇

句便彎弓羨君此日家秦隴不是西音調亦同

李秦

人曾亦家秦

丁酉秋日父執冒樸巢大會世講于白門

戴務旃諱本孝董德仲諱黃麻天為諱乾  
齡侯研德諱吉泓魏交讓諱允柎鄒子大  
諱擬海彭古晉諱師度周鄴侯諱叔源沈  
公浚諱洙鄒子玉諱擬泗陳其年諱維崧  
陳賡明諱玉琪黃俞邵諱虞稷徐安士諱  
寧周壽玉諱積賢周式玉諱瑄戴無忝諱  
移孝儲友三諱福益陳半雪諱維嶠李定  
遠諱畧沈公理諱燮陳弢仲諱鏌楊震伯  
諱燿蔣在箴諱無逸夏無間諱敬沈公榎  
諱掄沈方鄴諱泌曹星蕃諱拱辰侯彥室  
諱曉戴有懷諱格孝吳子班諱孟堅曹錫  
汝諱拱極宮允大諱開宗冒穀梁諱禾書  
宮友夔諱象宗陳緯雲諱維岳沈公吉諱  
鑑劉王孫諱漢系孫肖武諱中礎陳大匡

諱堂謀沈公厚諱珽戴謀厥諱治孝冒青  
若諱丹書宋楚鴻諱思玉梅耦長諱庚石  
月川諱伊沈孝瑟諱鏗沈大隱諱朔周心  
淵諱允潔陳子萬諱宗石冒無譽諱褒蕭  
麗京諱一都宋漢鷺諱思弘冒爰及諱裔  
及余兄弟田伯中德位白中通素北中履  
有懷中發向者載書被災  
無存記憶不全姑錄于此

雲龍壇坵舊知名 老父與陳卧子先生力倡大雅  
向有雲龍之稱謂雲間龍眠也

二十年來水上萍已信通家非一世得逢傾蓋果

三生盟心不比西園集結客還同北海情折簡若

非前輩約月明何處繼歌聲

再集長干寺

狂奴袒臂起呼號放浪尊前首一搔尚有青天容  
我輩從來白面是賢豪鴉啼古寺驚聲晚雁入秋  
雲度影高今日相逢知異日不分軒冕與蓬蒿

表弟孫肖武招同楊嘉樹孫赤玉鄧田公左

武子陳大匡孫威公小飲得讀姑父武公

先生遺稿

一尊重剪燭磊落話平生舌上縱橫術胸中詞賦

情人能捐國難姑父舉義才合擅文名得遂少年

志何妨事不成姑父自幼燃指矢志滅賊

老父服闋行脚西江

欒廬三載日遺論早編成老父重編先祖周易時論已成木葉家

山脫芒屨別路行一瓢誰託跡五夜獨吞聲敢向

蒼天怨蒼天竟不明

戊戌池州同劉興父過湖心寺

江北江南客相看一水流紀羣還共友李郭偶同

舟雨脚遮山面湖心擁石頭不堪樓上望愁思滿

汀洲

妹婿陳第遠至白鹿畢姻

陳方天下重交道薄層雲指腹期如願

陳百史先生與家君

初指腹約為婚姻及生心簡與伯兄不果再指腹始以余為婿矣

裁襟意更慙

先叔

復割襟與陳氏聯姻

女兄能事我

予婦即第遠女兄

弱妹即歸君余

弟無遺力猶傷骨肉分

先叔止生弟妹二人叔孀皆早棄世余弟竭力遣嫁

可慰九京

讀明圃叔夜悲歌

吳山浙水愛經過懷抱都同心史多我所思兮還

痛哭命之衰矣只悲歌秦灰楚炬應如此托疾逃

禪可奈何農圃已成當日志

龔山叔祖號明農

振衣千仞

覺嵯峨



陪詩

卷之二

遠遊草

己亥春至白鹿用扇頭韻

桐城方中通陪翁著

不得逍遙又一年  
 雖餐豚望豈成仙  
 悲來益恨予  
 生楚亂後空教客  
 入燕楊柳初垂春  
 日雨梅花催  
 落故鄉天夕陽  
 猶許行人見  
 明日長江好買船  
 得河字與四弟賦別

孟浪休誇作客多水寒誰敢復悲歌可憐駑馬還  
行路非是枯魚亦過河芳草無言情不已幽蘭相  
對結如何春江自許東流急飛渡先看萬頃波

遠別離

遠別離向天涯天涯無窮盡遊子舉步遲高堂有  
母近五十日夕歡呼我爲兒我爲兒居城市我母  
患難流離別十年今日萬里歸來八年矣八年之  
間何嘗一遠別今日一別腸欲絕數月別離豈如

十年久不覺臨風下拜聲嗚咽

遠別離離阿兄阿兄當年曾遠別亂定先我返桐  
城憶昔黑雲蔽天時兄弟各各在京師京師逃出  
奔走東復西次第還家門相戒毋他之江海久無  
情道路尤堪哂我祖遺敝廬守此莫畏貧與窘不  
須富難坐守豈意我今復向京師走公卿王侯長  
者可如舊

遠別離離阿弟阿弟自小隨母萬里去別時在江

南時年方七歲兄弟三人汝少生齊楚閩粵惟汝  
行汝行何太早我行何太遲孰此別離不畏別離  
架上父書汝能讀牀頭寶劍汝相隨我之伯兄爲  
汝兄汝既有兄汝事之我當東西南北任風吹  
遠別離離房中生爲大家女母家居江東十七爲  
我婦十八來吾桐藜藿常不飽依然笑語同我父  
出世外我母心忡忡汝父亦已變汝母今飄蓬我  
今往視之不復慮途窮我母卽汝母我何憂汝母

亦我母汝勿愁去去非浪遊不爲汝暫畱我今喜  
汝大家女無大家習故爾離時相與泣

遠別離何日歸舍中有兒女不會牽衣啼大者甫  
善走小者猶在手外家相去遠今年始見舅舅來  
不下數千里約我同行不容止不容止別吾子汝  
父貧賤好遠遊慎勿學乃父之如此

遠別離離清芬清芬爲我老祖姑冰霜苦志人人  
聞今年七十有五矣每自恨不爲男子男子在四

方女子閨中已遂古及今非一人如我清芬能幾  
人白描大士遍天下書法右軍與麻姑博覽經史  
無朝暮慷慨悲歌似丈夫宮闈詩史別正邪世所  
稱爲今大家所著集爲清芬集讀之令人誠難及  
相隨我祖居長干歸來復著歸來歎歸來尚然歎  
行路當如何此時歲月易蹉跎不忍離時且作歌  
祖姑適姚前甫先生自十七歲孀居後  
卽依先祖至今猶居遠心堂之清芬閣  
遠別離離親戚親戚謂我少年行一時相對俱寂

寂汝今寂寂能袖手汝今含笑不出口何不畱我  
馬焚我車謂我他鄉親戚居茅廬不容我走更何  
如  
遠別離朋友悲我友皆富貴兒誰是心相知我友  
皆貧賤兒誰能心追隨吁嗟乎今日富貴貧賤中  
無一人與我友蒼蒼冥冥不可欺結客無黃金不  
免寒與饑一人偶相識復疑我所之我友不知我  
何所爲不如遠別離不須朋友悲

遠別離離故鄉我之他鄉皆他人之故鄉休教歎  
息路悠長他鄉故鄉不能辯但是出門回首中心  
傷思我生長逢亂離甲戌正當民變時當時我母  
奔走逃避出兵火直至長干始生我我生十歲向  
烟塵二十還鄉里鄉里笑我原非故鄉人何須今  
日恨離故鄉春

遠別離言之令我心中衰但欲離時離不得風塵  
滿面無顏色我欲出東門無奈拔劍多淚痕我欲  
出北門無奈知我爲王孫古人一去不復返豈如  
我今千里萬里之爲遠但是古人未曾逢今日今  
日朝別不知晚何況我輩偃蹇不逢時今日明日  
安可知遠別離遠別離言之令我心中衰我歌我  
聽知者誰

再至前馬

去溧陽縣三十里

一家分散日

甲申國變老父因哭梓宮被執拷掠及竄歸復避仇奸遊台岩老母攜余

兄弟南還復攜弟隨外祖赴任伯兄亦隨岳家他去

初變姓名時

南都失守先祖命改

姓名託王實之送予至溧陽前馬陳公不識陳門

以元家陳公與先岳鴈行也不令知之

壻權為呂母兒陳公夫人呂氏金壇呂靜銘年崔

蒲翻大索時賊肆起大索予為邑宰復先施溧陽

公先叔至交也遣書通問前馬令朱

始知予為方氏子予因還桐十有五年別相逢

只淚垂呂母之恩非言可

同陳第遠由平陵北上省岳母強太夫人

平陵臨水邑京口渡江人此去憑舟楫相依共苦

辛親朋多難日風雨積愁春白髮驚重見應知涕

泗頻

濟寧謁任貞野年伯向予索紉蘭閣集

幾年消息阻亂定入長安城下停舟易階前一拜

難回思占易卦年伯向客金何幸共盤餐雙烈遺

名在詩篇訪紉蘭紉蘭閣予伯祖姑也隨姑祖父

有紉蘭閣集

入都

短衣蓬首入京華驢背先將面日遮地薄只今無

白草風鳴終日起黃沙駕牛不斷車聲轉走馬遙  
看鞭影斜此外肩輿垂布幔行行知是漢官家  
天衢錦繡耀旌旄風景還過昔日豪三陞九階金  
闕迴五侯七貴璧門高幸誇通達全無忌得備驅  
馳敢憚勞啣喇一回胡撥四絃索遊人都不見牢  
騷

憶親壽昌

踏完南北死生場畱得空門謝彼蒼姓字那能逃

末世袈裟今又隔他鄉天知不孝無如我自恨逢  
人分外狂易水盱江魂夢遠白雲停處九迴腸

寄陳愚伯瀋陽

卽內兄  
心簡

遣僕關山外初通此日音秋來悲不得人去到如  
今黑白空餘着丹青何處尋新詩惟念母萬一合

歸心

愚伯善奕善  
畫詩做崆峒

同內弟陳叔英北寺慰周櫟園年伯

念是通家子同來北寺門身微空擊劔心媿未揚

幡患難人尤重詩書種尚存天高能下聽知不阻  
君恩

與西洋湯道未先生論曆法

千年逢午會百道盡文明

依邵子元會運世推算  
正逢午會萬法當明

漢法推平子唐僧重一行

先生崇禎時已入中國  
所刊曆法故名崇禎曆

書與家君交最善家君亦  
精天學出世後絕口不談

有書何異域好學總同

情因感先生意中懷日夕傾

予所得穆先生火星  
法最捷故相質論

父執龔芝麓惠墨

埽門相見易不似客燕京

特命閣者  
予至即傳

猶念故人子

原非今世情拖青憐鄙願守黑盡餘生萬杵輕烟

墨貽予書可成

時予將著  
數度衍

古詩二首

朝露不見人展轉起徬徨庭中侵我面階下溼我  
裳道路以阻險徒步還自傷中心有所思所思在  
四方西南多浮雲北風吹晝長飲酒以爲樂鳴箏  
以爲狂



回顧多內傷獨坐心愈摧風起東西雲烏棲南北  
枝遠向千萬里他鄉怨別離欲送還家門青草復  
淒淒出門不見人人至心何悲悲爾思遠道遠道  
不可思

塵沙行

塵沙滿眼塞道路一時人馬出無數但聽風聲開  
城門何人向前敢回顧將軍聞令出長安馬嘶一  
聲人膽寒壯士從今去遊子從旁觀如今征戰不  
馬軍中走觀兵

陳階六年伯招飲

西風吹送菊花天秋自雲霄落舞筵痛飲一回交  
道古愁腸百結世情牽破巢有壁貧難說枵腹求  
耕筆可憐蕭艾尚堪承雨露故將心獻寶刀前

題畫

山頂還畱百尺松寒風吹入五更鐘不知山外聞

鐘者遠路隨聲隔幾重

詠懷詩

一東

我生何故在江東行路那堪踏雪鴻  
畫出龍蛇非是字吹來牛馬不知風  
數奇翻幸功名薄性癖還愁日月同  
縱倚肝腸偏自累逢迎絕技未嘗工

二冬

末世纔知南北宗幸畱雲路未曾封  
一風有節還

占草三徑無官豈種松  
裹足翻憐穿不借輕身竟  
樂駕追鋒善思恨是家猶在空  
聽晨雞與暮鐘

三江

出門人已別南淙莫道空攜劍  
一雙酒肆淚難存  
易水才名詩却恥吳江蹈來無處非  
東海卧得何須有北窗常對三更悲  
自語誰知遺笑與殘缸

四支

痛飲還須荷鍤隨朝昏將腹合時宜  
絕交書與知

心友長恨歌因連理枝士欲生纔嘗患難人能死  
卽愛流離中來憂復千迴轉把筆誰堪著五悲

五微

天戈憤起未能揮莫厭蒼蒼賤布衣草縱無情生  
遠志客因有病識當歸書知雁自傳難到翼許鵬  
今怒不飛若說對人顏色好還家依舊掩柴扉

六魚

掩面求爲廡下居釣時多恐泣前魚不徒原憲貧

猶賤更似嵇康嬾復疎閉戶只今空有舌出門焉  
敢賦無車王侯此日能招客懷刺何妨一曳裾

七虞

自見神州飛織烏病來休閱輞川圖艱難昔已嘗  
之矣勢位于今可忽乎都向酒家千日醉誰爲魯  
國一人儒挂冠不用他鄉去故里應須有五湖

八齊

覺後欣然跨澥鯢傷心翻痛此曹溪飛鳥繞樹何

曾宿凡鳥逢人亦欲題木葉下時還受露蓮花生  
處不知泥天涯行脚無歸日縱有松枝只向西

九佳

偶爾多生此六骸行行纔說是吾儕不知天地間

何美

杜恕語

豈必姓名中識佳

郭訥語

鏡裏難藏人厚

薄毫端肯讓我詼諧披襟莫漫當風立自笑愁思  
滿壯懷

十灰

如今石室總灰埃魚蠹還愁芸作臺天地踏完方  
是夢詩書讀盡不成才千年傳得空三歎一字吟  
來已七哀薄命自知無可託硯田豈肯讓人開

十一真

獨漉歌時恨此身詞從何日許予陳報仇劔笑牀  
頭淚酬客金憎事後人有債向平難遂願無官苑  
蠶自然貧死灰畱得三生面一任衝風不辟塵

十二文

悲歌放眼覺紛紜愁向人間世裏聞善舞更何須  
舞袖能書原不必書裙姓名傳日方成賤筆硯生  
時卽可焚長夜只今無大覺役夫多幸夢爲君

十三元

畱予入市發狂言不敢從容一掃門畢竟畏人爲  
客子原來貧士是公孫拂塵壁喜今無袖離垢山  
愁尚有園巢破幾曾經雨露恨將文石此時吞

十四寒

關門從未學加餐赤手纔知衣欲單明月照非畱  
客影大風吹不許人寒離家到底看來易行路何  
曾識得難含淚果然無一滴酸心還說幾時乾

十五刪

莫嗟倦鳥未知還性愛風塵孰肯閒南阮自高愁  
欲富東施不媿幸無顏金多纔得爲同舍錢少如  
何好買山竟學禪宗忘世事鋒頭恐又破三關

一先

少小相悲豈問年琴音欲學又無絃見人翻不如  
言鳥有血何須是杜鵑流水東歸還繞地浮雲西  
至竟藏天酒家尚在長安市一放歌時那得眠

二簫

幾曾縮地不迢迢心曲難隨悲火燒廉吏子孫歌  
忼慷貧家父老讀逍遙擬成樂府無朱鷺恨作遊  
人有黑貂豈勸德山珍重手誰能悟却隔江招

三肴

截髮曾經易酒肴少年安得樹爲巢但憐豪士無  
生計欲問仇家是死交心喜針錐非結客人因離  
別始投膠此身久已成三害知到何時一斬蛟

四豪

莫道聞風欲謹條如今將酒戒牢騷隨時作士應  
重足震旦生人盡不毛到處願聽愁裏鴈相逢偏  
愛笑中刀吹竽未必能知曲混入何須南郭逃

五歌

對酒空言卷白波臨風一望總烟蘿近家不聽歸  
耕操入世纔吟據地歌雪滿江山無玉馬天知荆  
棘重銅駝自從亂後畱皮骨但有蕭條可奈何

六麻

俯仰窺天是井蛙生來竟不辯蓬麻却教碧落徒  
明李非必青門亦種瓜友果同心還擊筑人難垂  
泣莫吹笳挽弓騎馬東郊外且到園林一踏花

七陽

五世燒傳薪火場祇畱冰冷欲枯腸好將夏日涼  
風雨當作冬時苦雪霜流水何曾拋歲月浮雲到  
處是家鄉幾人文籍知名久滿腹皆由錢一囊

八庚

相逢難聽馬蹄聲鄉黨纔教月旦評雖慕分金心  
欲受果能衣繡夜還行兵戈未識須藏姓草木都  
知亦賤名不得爲官猶笑罵今朝誰許學狂生

九青

苦畱世外亦傳經今有行窩何處聽朱紫眼猶知  
黑白喜黃手只作丹青狎鷗題出空遺跡畫虎成  
來那見形多少父書從未讀不能扶杖况趨庭

十蒸

行來滿眼是姑繒帶劔何勞祗逐蠅長夜知更還  
賴雀依人求飽不如鷹極憐變篆畱三翮豈羨成  
家在五陵誰徙大凝山到此千年遺得最堅冰

十一尤

吟成一句淚偏流豈信能歌名莫愁慣我寒時忘  
避暑使人春日亦悲秋斷腸不敢看黃面袖手明  
知易白頭終是他鄉難作賦休言無處可登樓

十二侵

旅次吹簫入夜淡有誰爲我作知音尚疑李預能  
餐玉豈信華歆肯擲金處處還枵千古腹人人慣  
指片時心卜居楚地多生怨澤畔行惟漁父吟

十三覃



附言 卷二  
羞教口吃尚能談仰首今難見蔚藍人苦風聲驚  
病骨天將月影破寒潭不從野陌求秦女還向鄰  
家問魯男若使鷓鴣猶惜翥飛時何故客江南

十四鹽

五斗不官因惜米千金致富且圖鹽名疑絕跡空  
穿榻技恥無才但織簾雖是知雄推早服果然委  
化讓楞嚴眼前坐取尼山水一洗文人舊筆尖

十五咸

撒手須登九折崑那堪鎮日轉頭銜苦知黑路容  
山谷病望丹書思石函竝不家居何百忍已曾舌  
斷豈三緘羞教客戲終無用且學嚴冬衣葛衫

陪詩

卷之三

桐城方中通陪翁著

省親集

庚子同四弟省親壽昌

吸盡西江水東流不到家  
階前如見佛座上便拈  
花顏色成枯木愁心結  
亂麻趨庭無別語開示  
總

南華

時老父著  
藥地炮莊

贈揭子宣

陪詩

卷三

一

世外逢高士相依不問禪叩鐘曾受業一見老父即拜為弟

子班草竟忘年子宣年長于子好我同推步後成揭方問荅一書知

君獨寫天子宣著有寫天新語圖成經緯合絕學與誰傳又有

經天緯地圖

涂宐振孔八桂江五章鄧文始諸子過龍湖

寺

雙選還名社時有雙選社追隨奉我親歲寒堪共守臘

盡自回春竟以尼山學來傳驚嶺神祖庭新露柱

從此結比鄰時老父重興廩山余與四弟捐資運木

伯兄至自建昌

百里崎嶇道蕭然徒步來異鄉彙弟集古剎老親

開竹暗溪邊水花明月下臺嚴寒香不散只待一

枝梅

辛丑數度衍成

秦餘易象本家傳筆塚堆成研亦穿自笑十年忘

寢食寧誇兩手畫方圓收將今日東西學編作前

人內外篇聊以娛親消歲月行藏未卜且由天

林确齋魏冰叔書至賦答

心與易堂遊神交已十秋八家傳素業

魏文摹八家

大

茗自丹丘

林率弟子晝則種茶夜則讀書

書至憐遺卵才高善狎

鷗

魏善伯曾青黎俱已出遊

年年思白髮慣買豫章舟

海門解纜

海門天曉朔風呼一粟中流望小孤江岸花開都

是草汀洲笋出未成蘆歸雲紫塞千行鴈野店黃

昏幾樹烏遊子驚心渾不看明朝猶喜渡鄱湖

壬寅同三弟省親盱江相遇于許灣

扁舟一擢夕陽波沙寺逢親自嘯歌記錄盡歸門

下去

時子宣鈔通雅

禪宗喚醒世間多臨階竹影風搖月

隔岼鐘聲夜渡河莫訝蒲團塵不染萍踪隨處是

行窩

遇吳舫翁

初遇渾如故終朝傾吐殊惟餘髮上指不令足前

驅闢佛衣冠佛宗儒藥石儒撫膺歸老父父曰是  
吾徒

熊伯甘先生評余數學

千年周髀

音彼

學積矩幾人知

周髀載積矩三圖

地可占丸

吐

張衡作儀龍吐丸而知地動

天猶讓管窺商高傳祕法邵子

是吾師何必多分別銅儀

孔定制

與鐵儀

晁崇斛蘭制

隨侍老父至章門登陳士業先生章貢讀書

樓

別有一懷抱城居反覺幽窗纔平遠岸山亦上高  
樓萬卷書分架雙江水合流昨宵隨白髮剛到百  
花洲

同孫威公飲王其人署齋

何處沾來同氣酒今宵沾得故鄉唇偶爲芳草洲

邊客便作蓮花幕裏人

時其人隨親任江右少叅畱余署中

風逐江

間雲似水秋教天上月如銀感君尚有南州榻孺  
子慚余是後身

癸卯自章門省親樟樹

章門初買棹我欲上蕭灘親老不歸去何時淚始  
乾桃花空似錦梅子但知酸爲作無家賦含悽下  
筆難

熊見可祝大詹黃家卿諸君欲畱老父就此

住錫

同是緇衣好相依欲卜年此間風俗古不計歲時  
遷入夢都無著看雲亦偶然春浮有書至竚立首

山前

蕭孟昉書  
至自首山

揭子宣有募刊老父通雅之舉王其人輸費  
首倡感而書此

稽古曾開萬卷餘

老父少時讀書  
處名稽古堂

忽逢知己作璠

璠姓名共托千秋業梨棗新成一代書非遇輕財  
真義俠那能割愛不躊躇今朝最感同人意此籍

終歸到敝廬

其人訂約刊  
成版歸方氏

澹臺墓

當時遊楚亦翩翩何故淹留竟未還不見渡江三  
百士獨教埋骨數千年東湖斷碣蓁蕪滿墓在東湖南  
浦遺祠俎豆傳一自世情輕薄甚令人隨處表前  
賢

### 滕王閣

唐家帝子豈書生建閣空令筆墨爭勝地無文終  
不貴才人不妒亦無名却看賓主多移易反覺山  
川未變更何必撫今增太息登臨只許聽江聲

### 徐伯調羅弘載同至章門

西山仍舊雨過新一葉扁舟到水濱兩漢篆猶存

異代

羅善篆章

三唐詩不讓前人

兩君詩甚富

連牀客裏花

爲伴小坐樓頭酒正醇笑我倦遊忘歲月歸期頻  
改又經旬

### 徐孺子墓

常笑陳君榻非因孺子懸布衣何足重太守自成  
賢仍是田間墓空餘塔上烟爾來情更異絕不好

名傳

甲辰省親泔林

蕭孟昉請老父主法華庵  
方丈新挂鐘版改名泔林

匡君修煉地故蹟尚依稀  
廟貌新鐘版盤餐舊蕨  
薇江高潮自返春到鴈猶歸  
不解蒼天意迎親願  
獨違

文石篇

吉州之南西昌北中有桃源堪偃息  
特爲蕭君到

此間頓令老父開胸臆  
古寺新題一段雲  
主人好客真殷勤  
門前溪流清淺照見溪中石  
上文有如白砂黃金研丹漆  
小李將軍畫不出又如周彝  
商鼎起雲雷王爾公輸造不來其潤儼如脂  
其細又如髮泥沙不能污塵埃不能沒  
乃知天地自有真文章  
一艸一木能生光日月摩挲時蕩漾  
秋霜春露豈尋常  
但是遊人看此石一聲長歎還憐惜  
此石不生北嶽與南山又不相逢五湖與七澤  
胡



為盡避世間人徒向山中空歛迹嗚呼不遇南宮  
珍如璧何人不將汝拋擲

隨侍入青原

于慧男司直先生嗣君也時令廬陵特請  
老父主青原法席老父辭之不獲遂將洵  
林付笑峯和上門人無倚  
甲辰之冬始入青原方丈

故友相延入梵宮現身原不礙知雄民歌令我親

劉竺守廬陵古蹟教人憶魯公祖關二字自此逢場

還噴雪老父題方丈却從別路漸移風鐸聲幸有

鐘聲和祖關外有傳心堂時施同在傳心一語中

枯荆再發

青原為七祖道場七祖倒插荆條在塔院  
之右迄今千餘年矣挺然獨立絕無枝葉  
儼如枯朽笑峯和上主席時曾發一枝今  
老父主席冬日更發三枝此誠受命如嚮  
不可思議者也

一榦千年插碧空亭亭孤立獨當風已居世上榮  
枯外不在人間生死中節苦有情驚艸木歲寒無  
計達穹窿請看絕頂青青意豈與尋常樹色同

哭芝穎大師

師為笑峯和上得意門人隨老父入青原為不釐務侍者一病不起臨終問大眾曰畢竟向何處去中通曰還作癩語麼師點額而絕

半世孤雲傍隱淪行吟先自蜜湖濱師向往安福除開

山水今無地師有看不盡時皆壁立到無餘地一潭收之句不畏雷霆尚

有人又有閉門風雨相看啞倚柱雷霆亦不聞之句生死交難逢義士有無

門禪友病中侍奉左右後又為師刊遺詩去來心豈累凡身只憐一渡

青原岸永和對江老父築亭題曰青原岸丈室相隨止浹旬

乙巳待月橋同李貞行作

屋覆闌干兩面開每因落照共徘徊直從此地消

今古一任中原付草萊溪水不流人影去春風猶

帶鴈聲來山中明月空相待夜夜鐘鳴喚客回

施愚山先生邀同胡萬咸毛大可陳康侯堵

子威遊青又庵

徑盤千折去樹只一林齊山色留人語溪聲住馬

蹄詩吟茅屋下鳥亂夕陽西姓字同遊記捫蘿石

上題

禪林口號

晨昏課誦梵音微兩序居前散執圍二十五條衣  
始貴五衣猶讓七條衣

尊推首坐與西堂執事相隨列兩行三藏盡歸知  
藏攝惟看悅衆引人恹

供養一聲齊誦咒行堂幾處各奔波普柳知衆雙  
椎擊飯後教人早出坡

詰摩審戒掩雙扉燃頂人人自訟非坐下挽香還  
接足具開護鉢更撩衣

禪堂止靜閉禪和結制年年百日過打七打三通  
不寐十方圓禮到維那

畫定時辰截定香巡香兩兩是輪當一聲版響知  
方丈誰有機緣報落堂

自求菩提喝到禪林學佛參宗願力深朔望只今猶  
布薩音賽誰人能不起偷心

落草何人敢問師三宮五位盡懷疑拂衣頓足和  
圓象伎倆雖工總不知

同郭入口吳舫翁噴雪軒侍坐

朝昏常侍坐風雨閉門居不娶孤懷遠郭安貧短

髮疎吳屬文如宿構吳甚敏捷千言立就絕不起草默記便成書

郭善聽受每日退書老父所語一字不遺已成帙矣惟我慚家學空令歲月

虛

同方乘六編次老父物理小識授梓

著書因宿好手自不停披欲闢義農祕纔消天地

疑戶庭皆紙筆笥籠伴流離此書播遷時著今日重鈔纂

相傳與世知郭太守餽予二十金于明府餽予十金予皆捐入刻費

又編次浮山後集

浮山前後集子舍錄千篇伯兄三弟編次居多體亦隨時變

才原在筆先一生如隔世分帙合編年此日難莊

語新增樂府禪老父新著禪樂府

送父執左藏一歸里

故園從此去千里日蕭森秋入新詩草天歸舊易  
林不能畱父執何以慰親心揮涕一爲別空餘江  
水深

懷謝秋水宋未有兩先生

壁立高千仞程山

謝先生

與髻山

宋先生

珪璋爭日月

姓字動江關極目看雲外何心入世間兩君甘石  
隱磨礪未曾閒

大人誕日中通設齋請上堂

連理傳家學源從洙泗傾那知天地變遂令髮膚  
更鳥道存薪火獅王托化城幸依仁者里盡是聖  
人氓窮子趨庭意嚴親出世情西方遺隻履東土  
教羣英培喝都能習宗風總不明故將泥水願欲  
使肺腸清石路從來滑高峰到處平但期收落草  
試看活枯荆別調皆同調聞聲卽和聲橋堪千里  
接溪代萬山鳴屬念愛冬日斯時逢曉晴香花齊  
灼灼鐘鼓正鏗鏗止矣觀無極茫然愧此生機緣

求一證刀斧敢相輕汗透如初覺啼痕復自驚丹  
心完苦節白首更艱貞當作皋比座何嫌曲盡名  
祇因龍象眾引手爲財成大人陞座維那白椎中  
通問曰檜樹卽荆條死  
路走成生路祖關穿聖域鐘聲敲出鐸聲河圖五  
十五點恰在地戶天門如何是參天立地處大人  
日揮空一斧幾人知恩通進曰半生先天半生後  
天未免打作兩橛大人曰直下火爐是奉是背通  
進曰尼山鷺嶺已同時誰能不幸負去大人曰絕  
壁奔雷莫耳聾麼通進曰冬煉三時傳舊火天雷  
一磬擊新聲大人曰  
室內不知兒孫努力

### 鷺洲行

白鷺洲在吉安城東舊有白鷺書院時施  
愚山先生爲袁臨吉三郡監司蕭孟昉捐  
千金隔歲預延三郡當事紳衿民庶訂期  
登請先生講學于此大會三日不下萬人  
誠盛舉也

君不見白鷺洲起雙江中砥柱中流挽世風又不  
見白鷺洲橫雙江水欲洗人心鄙吝耳世風不古  
人心殊春秋責備在吾徒施公本是天下士蕭子  
今爲大丈夫鷺洲洲上飛薨連九棟一時三郡風  
雲天地動但見施公西坐講三朝自言當日家貧

忽大慟貧子守空囊無釵遂母妝

太夫人向索一釵貧不能奉

黃金力可辦白髮親已亾忠孝觸人語質樸人人  
淚落無清濁但得傳此洙水泗水心何必分講永  
嘉永康學蕭子末坐從旁聽千言萬言感丁寧埽  
却陰霾天始白驚開蝴蝶夢初醒夢初醒天始白  
不負此古今不負此朝夕不是能傾陸賈一生裝  
那得還邀孟嘗三倍客客子中有江南人講堂之  
上分主賓一堂相見皆長揖不論達官和齊民吁  
嗟兩君高風不可及江水江州成此集從今再向  
待月橋頭立方知銅鐘木鐸相呼吸

除夕大人賜詩曰念汝隨余學環中竟左旋  
冬春看兩度首尾算三年風送新花雨詩  
將舊夢圓冲之傳曆意誰與問青天中通  
敬依原韻

未能長削髮扶杖敢言旋暫忍承歡淚同過出世  
年門無春色到夜有雪珠圓身外都除盡山中不

問天

丙午蕭孟昉約過研鄰

竹扉開處路行迷百轉歌聲鳥自啼樓不教人知  
上下臺能使樹忽高低連朝春染花名亂一夜風  
吹草色齊城市山林都莫辯羨君家在研鄰西

春浮園

騎馬西郊落照時樓臺花下影參差藤蘿直上千  
年樹楊柳爭垂十丈絲岸斷橋通登曲嶺路窮舟

接過清池高山流水皆能造

年祖蕭伯玉  
先生手創

何事文

人不可爲

至虔州與吳六益魏善伯曾青藜麗天蕭孟

昉溫聞衣分期集飲

遊人莫當作天涯酒洗牢騷興轉賒塵外亭邊江  
水曲鬱孤臺上暮雲斜詩篇刻燭書千紙襍被傳  
餐客幾家爲語杜鵑春去後夏初開遍石榴花

周計百署齋卽席分韻



衙齋無俗事江海集賓朋坐上花能語簾前月避  
燈賦詩猶未已不醉又何曾木塔高南國明朝好  
共登

還青原次王若先韻

象嶺駝峯

皆青原山名

作華門亭餘五笑共朝昏

有五笑亭

月當黑夜天無色水遶青山地有痕爭奈詩書今  
日棄只從鐘磬一聲吞淒涼竝不嗟風雨膝下相  
依感佛恩

蕭孟昉捐資爲老父刻藥地炮莊感賦

苦心思救濟盡現漆園身蠻觸征皆罷逍遙足絕  
塵父書還賴友古道可娛親三世交情重應知賤  
子貧

拜辭老父歸里

三載西江侍親恩日夜深欲辭先墮淚無語但沾  
襟不作還鄉夢其如念母心故園頻寄信忍齒到  
而今

臨江與梅耦長李維饒飲施愚山先生就亭

卽席分賦

燦爛芙蓉屋

署齋名與就亭相連

先期夢裏遊

施先生昨夢予至

城

頭生遠樹簾外數行舟鳥亂黃昏月江明白露秋  
尊前應共醉回首不勝愁

丁未西省過章門遇王青蓮其人遂赴翟湛

持芝山之招

南浦忽停橈空懷字水遙相逢傾濁酒不意聚今

朝頻問故人信

青蓮評子山家兄

毋虛知己邀

其人促子往芝山

康郎山下過風浪轉無聊

芝山贈丘邦士

絕學惟君好翩然道貌殊三才應在抱六藝始成  
儒白業何窮達蒼天任有無違時還用拙不礙指  
為迂

憶親閩中

欲從南國覓知音先聽樵溪水上吟杖過西湖非

卓錫湖在福州城西禪歸東苑已成林數年前老父重興東苑潭陽

為托當年友書坊熊鄭諸公皆皈依老父周易時論藥地炮莊物理小識三種書板游

子六向寄熊叔明熊長吉家刷行後揭子宣家學轉托鄭玉友并寄通雅板已刊十之七八矣

堪傳異日心聞道石陽舟即返聞老父將返青原望雲空

使淚淫淫

戊申冬建報親庵至己酉春落成

浮山此藏軒王父分授伯兄之別業也遭亂傾頽予兄弟于故址特建報親庵將迎老父歸養伯兄孝思非通所及敬記于此

十年烏鳥願白髮未還家護竹期烹笋鋤山預種

茶老父命自諦禪師先至種茶親朋憐佛土予鳩工庵中吳顥若年伯鄧田公皆

過訪慰問父老盼天涯鄉里聞老父將歸無不欣喜桃李知人意先

開一樹花

四弟子蛟臺復起還庵

蛟臺蘭若起歸鴈到樓聽湖擁玻瓈月山圍翡翠

屏同鄉依靜梵異地惜浮萍住持履實又于蛟臺募眾樂輸甚感

阮君意扁舟一日停阮召樹為佈施山主子自梅嶺相邀同過還庵特為踏明

至四

秋日雨中望江亭用范西漢大觀閣韻

成二鴻招宿大觀閣雞唱賦詩西漢有夜  
火一城烟上塔曉鐘千寺月過樓之句予  
遂閣筆再集望  
江亭始用其韻

漫將醉眼逐江頭  
簾卷西風控玉鉤  
孤閣窗臨千樹雨  
一城山擁萬家樓  
奔來秋水何曾歇  
埋入烟雲不見流  
為問鳳凰臺上過  
可能還似武昌遊

夜鴈王汾仲畱宿江栖同作

每避寒風耐遠行  
輕辭故國豈深情  
一天有路霜初白  
萬里無家月正明  
客夜渾如邊塞夜  
秋聲爭似管絃聲  
幾回拔燭聽難寐  
清話頻頻到五更

庚戌抱病垂危內子刲股入藥余始痊可

傾心完婦道  
稽首插香烟  
瀝血還濡地  
操刀暗祝天  
為余驅二豎  
入藥號千綿  
車玉衡主方  
用千綿湯  
神力纔延後此年

同三弟西省至蛟臺病作遂入鹿湖三弟獨

同往

思親期共往為買石陽舟疾病違人志蕭條獨我  
畱蛟臺空送遠鹿起復悲秋西望無情極愁心逐  
水流

見周南林所輯類書載先曾祖文孝先生難

進易退之節感賦

一傳明善緒先高祖諡明善先生斯道本同條講學尊京國

鄒顧諸公建首善書院于京師講學先曾祖亦與焉崇儒翊聖朝曾為陳獻章胡居仁

請諡又請褒崇理學名臣鄒元但從田野願筮得  
標周汝登王良羅汝芳顧憲成同  
于野遂不望姓名標忠孝堪垂世書篇共九霄



